

ევროპული ვებ-გამოკითხვა ნარკოტიკების შესახებ 2021: მნიშვნელოვანი მიგნებები საქართველოში

ნარკოტიკების შესახებ ევროპულმა ვებ-გამოკითხვამ¹ შეაგროვა მონაცემები, 2021 წლის 19 მარტიდან 12 მაისამდე, საქართველოში მცხოვრები ადამიანებისგან. ამ პერიოდის განმავლობაში, ბევრ ევროპულ და მეზობელ ქვეყანაში კოვიდ-19-თან დაკავშირებული ჩაკეტვები ან შეზღუდვები იყო. მოცემული მონაცემები ეხება რესპონდენტებს, რომლებმაც მოიხმარეს მინიმუმ ერთი უკანონო ნარკოტიკი ბოლო 12 თვის განმავლობაში; საბოლოო შერჩევა შედგებოდა 396 რესპონდენტისგან (მამაკაცი 291; 73%), ახალგაზრდების უმეტესობა 18-34 წლის ასაკობრივ ჯგუფში იყო (n=316; 80%).

საერთო ჯამში

- კანაფი არის ყველაზე ხშირად მოხმარებული ნარკოტიკი ცხოვრების და ბოლო 12 თვის განმავლობაში.
- გასული წლის განმავლობაში სახლი იყო ნარკოტიკების მოხმარებისთვის ყველაზე გავრცელებული გარემო.
- ეიფორია და სტრესის შემცირება არის თითქმის ყველა ნივთიერების მოხმარების მოტივაცია.
- მამაკაცები ხშირ შემთხვევაში ყიდულობენ MDMA-ს, ხოლო ქალები აცხადებენ, რომ ნივთიერებას უფასოდ იღებენ.
- CBD-ის და/ან დაბალი THC პროდუქტების გამოყენება დააფიქსირა რესპონდენტთა მეოთხედმა, ძირითადად მცენარეული ფორმით.

¹ ნარკოტიკების შესახებ ევროპული ვებ-გამოკითხვის მეთოდოლოგიის შესახებ დამატებითი ინფორმაციისთვის იხილეთ

https://www.emcdda.europa.eu/news/2021/2/emcdda-launches-2021-european-web-survey-on-drugs_en


ნარკოტიკის მოხმარების პატერნები

კანაფი არის ყველაზე ხშირად მოხმარებული ნარკოტიკი სიცოცხლის განმავლობაში (n=395; 99%) და გასული წლის განმავლობაში (n=384; 97%).

მცენარეული კანაფი (239 შემთხვევა; 64%) უფრო ხშირად გამოიყენება, ვიდრე კანაფის ფისი (63 შემთხვევა; 17%), კანაფის ზეთი ან ექსტრაქტი (39 შემთხვევა; 10%) და საკვები დანამატის სახით (31 შემთხვევა; 8%). კანაფის ფისს უფრო ხშირად იყენებენ მამაკაცები, ვიდრე ქალები.

გასული წლის განმავლობაში შედარებით დაბალი იყო სხვა ნივთიერებების მოხმარება. MDMA/ექსტაზი, LSD და კეტამინი იყო შემდეგი ყველაზე გავრცელებული არალეგალური ნივთიერებები.

მონაწილეთა ნახევარზე მეტმა აღნიშნა MDMA/ექსტაზის მოხმარება (55%), ხოლო რესპონდენტების მესამედზე მეტმა მოიხმარა LSD (34%) გასულ წელს, 30%-მა აღნიშნა კეტამინის მოხმარება და 24% ახალი ფსიქოაქტიური ნივთიერებების. მაშინ, როცა ამ ნივთიერებების გამოყენება შედარებით დაბალია ბოლო 30 დღის განმავლობაში და მერყეობს 1,5%-6%-ს შორის.



Funded by the European Union

EU4MD

ნარკოტიკების მოხმარების მოტივაცია


კონკრეტული ნარკოტიკების მოხმარების მოტივაცია ხშირად ასახავს იმ ეფექტს, რომელსაც მომხმარებლები ელოდებიან მათი მოხმარებისას. გამოკითხვის პასუხების მიხედვით, კანაფის პროდუქტები (მცენარეული, ფისოვანი, ზეთი და საკვები) მიიღება სტრესის შესამცირებლად და განტვირთვისთვის, ეიფორიის მისაღწევად ან გასართობად, ძილის გასაუმჯობესებლად და დეპრესიის ან შფოთვის სამკურნალოდ.

სტრესის შემცირება, დასვენება და ეიფორია ან გართობა იყო მცენარეული კანაფის მოხმარების ყველაზე ცნობილი მიზეზები, რაც შეადგენდა ყველა შემთხვევის 70% და 69%.


ძლიერი ეიფორიის განცდა (83%) და სტრესის შემცირება (39%) იყო ექსტაზის/MDMA გამოყენების მოტივაცია უმეტეს შემთხვევაში.

მამაკაცები უმეტესად ყიდულობენ MDMA-ს, ხოლო ქალები აცხადებენ, რომ ნივთიერებას უფასოდ იღებენ ($p = 0.003$).

მცენარეული კანაფის მოხმარების მოტივაცია გასულ წელს



ექსტაზის/MDMA-ის მოხმარების მოტივაცია გასული 12 თვის განმავლობაში



Funded by the
European Union

EU4MD

გარემო, სადაც ნარკოტიკებს მოიხმარენ

ნარკოტიკების მოხმარების ყველაზე ხშირად დასახელებული გარემო გასულ წელს (n=308; 79%) და ბოლო 30 დღის განმავლობაში იყო სახლი.


რესპონდენტებმა აღნიშნეს, რომ ისინი შედარებით ნაკლებად იყენებდნენ სინთეზურ კანაბინოიდებს/კათინონს, GHB/GBL და მეტამფეტამინს კლუბებში/ბარებში ან მუსიკალურ ფესტივალებზე/წვეულებებზე და სახლში ბოლო თვეში ან გასულ წელს, ვიდრე წინა წელს. ეს ქცევა შესაძლოა განპირობა შემცირებულმა გადაადგილებამ, რომელიც გამოწვეული იყო კოვიდ-19 შეზღუდვებით.

კოვიდ-19 პანდემიის გავლენა ნარკოტიკების მოხმარებაზე


კითხვაზე, თუ რა გავლენას ახდენს კოვიდ-19 პანდემია უკანონო ნარკოტიკების მოხმარებაზე, რესპონდენტებმა განსხვავებული გამოცდილებები დაასახელეს.

კვლევამ აჩვენა, რომ კანაფის ფისი და მცენარეული კანაფი უფრო ხშირად გამოიყენებოდა, ხოლო ექსტაზი/MDMA და მეტამფეტამინი ნაკლებად მოიხმარებოდა.

გარემო, სადაც ნარკოტიკს მოიხმარდნენ ბოლო 12 თვის განმავლობაში



კოვიდ-19 პანდემიამ მოახდინა გავლენა თქვენს მიერ ნარკოტიკების მოხმარებაზე?



Funded by the European Union

EU4MD


ქვეყნისთვის დამახასიათებელი მიგნებები

დებულებას „კანაფის მიღება უნდა იყოს ლეგალური“ მხარი დაუჭირა რესპონდენტთა უმრავლესობამ (n=367; 93%) სქესისა და ასაკობრივი ჯგუფის მნიშვნელოვანი განსხვავების გარეშე.

CBD და/ან დაბალი THC პროდუქტების მოხმარება აღნიშნა რესპონდენტთა მეოთხედმა (n=98) ასაკობრივი ჯგუფისა და სქესის მნიშვნელოვანი განსხვავების გარეშე, ძირითადად მცენარეული ფორმით (n=88; 91%).

ბენზოდიაზეპინების მოხმარებას აფიქსირებს რესპონდენტთა ერთი მეხუთედი (18%) გასული წლის განმავლობაში, ხოლო მათგან ნახევარს მოხმარებული ჰქონდა (10%) ბოლო 30 დღის განმავლობაში.

რესპონდენტთა მხოლოდ 10%-მა (n=41) აღნიშნა, რომ ისინი იღებდნენ მკურნალობას (სამედიცინო ან ფსიქო-სოციალურ) ნარკოტიკების მოხმარების გამო ბოლო 12 თვის განმავლობაში, ყოველგვარი განსხვავების გარეშე სქესსა და ასაკობრივ ჯგუფში.



Funded by the
European Union

EU4MD

შენიშვნები:

(1) აღნიშნული ანალიზი მოიცავს საქართველოს, სადაც ვებ-გამოკითხვა ჩატარდა ევროკავშირის მიერ დაფინანსებული EU4Monitoring Drugs პროექტის ფარგლებში.

მიუხედავად იმისა, რომ ვებ-გამოკითხვები არ არის ფართო პოპულაციის რეპრეზენტატული, როდესაც ყურადღებით ტარდება და კომბინირებულია მონაცემთა შეგროვების ტრადიციულ მეთოდებთან, შეუძლია დაეხმაროს ნარკოტიკების მოხმარებისა და ნარკოტიკების ბაზრების უფრო დეტალური, რეალისტური და დროული სურათის დანახვაში ევროპასა და ევროპის მეზობელ ქვეყნებში. როგორც ასეთი, ისინი წარმოადგენენ EMCDDA-ს მნიშვნელოვან კომპონენტს საპასუხო ზომებში ნარკოტიკების მუდმივად ცვალებად პრობლემაზე.

პროექტის შესახებ უფრო დეტალური ინფორმაციისთვის, გთხოვთ, იხილოთ ჩვენი მითითებული გვერდი ნარკოტიკების შესახებ ევროპის-ვებ გამოკითხვაზე:

emcdda.europa.eu/activities/european-web-survey-on-drugs

EU4Monitoring პროექტის შესახებ უფრო დეტალური ინფორმაციისთვის, გთხოვთ იხილოთ მოცემული გვერდი:

https://www.emcdda.europa.eu/activities/eu4md_en

ევროპული ვებ-გამოკითხვა ნარკოტიკების შესახებ საქართველოში განხორციელდა ადიქციის კვლევითი ცენტრის ალტერნატივა ჯორჯიასა და საქართველოს ნარკოვითარების მონიტორინგის ეროვნული ცენტრის მიერ ევროკავშირის დაფინანსებული პროექტის EU4Monitoring Drugs-ის ფარგლებში. ეს დოკუმენტი მომზადდა ევროკავშირის ფინანსური მხარდაჭერით. აქ გამოთქმული შეხედულებები არანაირად არ შეიძლება ჩაითვალოს ევროკავშირის ოფიციალურ მოსაზრებად.



Funded by the
European Union

EU4MD